

Sambutan RIMUP Hari Raya, Pra Pesta Kaamatan dan Hari Gawai Menyuburkan Perpaduan SMK Taman Perumahan Bedaun



Labuan – Sekolah Menengah Kebangsaan Taman Perumahan Bedaun (SMKTPB) telah mengadakan Sambutan RIMUP (Rancangan Integrasi Murid Untuk Perpaduan) Hari Raya, Pra Pesta Kaamatan dan Hari Gawai dengan penuh meriah.

Sambutan ini berlangsung pada 17 Mei 2023 di kelas masing-masing dan diteruskan di Dataran Bedaun SMKTPB.

Sambutan RIMUP ini disambut bertujuan untuk memupuk semangat muhibah, perpaduan dan kemesraan antara warga sekolah melalui aktiviti-aktiviti yang diadakan di samping menjadi landasan kepada hubungan baik di antara warga sekolah dengan murid-murid.



Sesi bergambar semua guru bersama murid-murid
Sambutan dimulakan dengan jamuan raya di mana murid-murid membawa juadah masing-masing dan dinikmati bersama-sama guru-guru dan rakan-rakan. Murid-murid sangat teruja berkongsi hidangan dengan rakan-rakan yang pelbagai agama dan bangsa.

Selesai menjamu selera, semua murid dikumpulkan di Dataran Bedaun untuk mengikuti acara seterusnya.

Pengetua SMKTPB, Puan Norazita binti Md.Nor @ Shamsuri telah dijemput untuk berucap dan dalam ucapannya beliau berkata sambutan ini diadakan untuk memupuk dan menyemai sikap bersatu-padu di kalangan murid.

Beliau berharap perpaduan itu tidak hanya dilihat ketika sambutan ini sahaja tetapi turut mengharapkan murid-murid sentiasa mengamalkannya dalam kehidupan seharian dengan lebih harmoni.



Puan Norazita binti Mohd Nor @Shamsuri menyampaikan ucapan

Sambutan diteruskan dengan pertandingan menganyam ketupat. Seramai 17 orang murid telah menyertai pertandingan dan menunjukkan kemahiran masing-masing. Pertandingan ini telah dimenangi oleh Maizatul Aqma bt Harun.

Seterusnya pertandingan ikat samping telah berlangsung. Seramai 24 orang murid lelaki telah menunjukkan kreativiti masing-masing dalam mengikat samping dan memperagakan hasil ikatan dengan penuh bergaya. Mohd Khazwan bin Sahiron telah dipilih sebagai pemenang bagi pertandingan ini.

Terdapat juga pertandingan mengalunkan takbir raya, pertandingan menghasilkan kad ucapan, kelas ceria raya dan 'groufie' kelas.



Murid-murid menyertai pertandingan menganyam ketupat Cikgu Maibistamizlan telah dipilih sebagai pemenang penampilan Hari Raya, Pra Pesta Kaamatan dan Hari Gawai bagi kategori guru lelaki manakala Cikgu Marcela binti Maikel bagi kategori guru perempuan.

Mohd Khazwan sekali lagi telah dipilih sebagai pemenang penampilan bagi kategori murid lelaki dan Elizabeth Elly Mai Anak Leonard bagi kategori murid perempuan.

Majlis diakhiri dengan sesi penyampaian hadiah kepada para pemenang dan sesi bergambar semua warga sekolah.

Berita Oleh : SMK Taman Perumahan Bedaun



pertandingan mengikat samping

Elizabeth Elly Mai Anak Leonard penampilan terbaik

Sumaiyah binti Herwan penghasilan kad ucapan